

UGOVOR

Br:0602-1363-15/19

o javnoj nabavci usluga izvođenja istražnih radova i izrada elaborata inženjerskogeološkim i geotehničkim osobinama terena za potrebe izrade regulacionog plana Gradskog groblja Vlakovo – Ilidža

UGOVORNE STRANE:

UGOVORNI ORGAN: KJKP «POKOP»d.o.o.Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: DESIGN&QC d.o.o. Sarajevo ul. Džemala Bijedića 25-D, kojeg zastupa direktor Muris Korjenić (u daljem tekstu: Dobavljač)
ID broj: 4201327100009, porezni broj PDV: 201327100009.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog konkurentskog postupka za javnu nabavku usluga za nabavku **usluga izvođenja istražnih radova i izrada elaborata inženjerskogeološkim i geotehničkim osobinama terena za potrebe izrade regulacionog plana Gradskog groblja Vlakovo – Ilidža**, objavljenog na portalu javnih nabavki broj obavještenja 775-7-2-82-3-21/19 od 19.04.2019. godine, Zapisnika o pregledu i ocjeni ponuda broj 0602-1363-12/19 od 06.05.2019. godine, Odluke o izboru najpovoljnijeg ponuđača, broj 0602-1363-13/19 od 07.05.2019. godine, te prihvaćene ponude Dobavljača broj: 0602-1363-10/19 od 06.05.2019. godine koja je sastavni dio ovog Ugovora.

PREDMET UGOVORA

Član 2.

Predmet ovog Ugovora je nabavka **usluga izvođenja istražnih radova i izrada elaborata inženjerskogeološkim i geotehničkim osobinama terena za potrebe izrade regulacionog plana Gradskog groblja Vlakovo – Ilidža**, prema zahtjevima Ugovornog organa i prema prihvaćenoj ponudi dobavljača.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi	14.498,00KM
PDV na ponuđenu cijenu usluga iznosi	2.464,66KM
Cijena usluga koja su predmet ovog Ugovora sa PDV-om iznosi	16.962,66KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču plaćati u roku do 60 (šesdeset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će usluge definisane članom 2. ovog Ugovora izvršiti u roku od 40 (četrdeset) kalendarskih dana od dana davanja potrebnih podataka od strane Naručioca.

Rok izvršenja usluga je u skladu sa rokovima datim u Projektnom zadatku, a prema dinamici koja je detaljnije utvrđena projektnim zadatkom koji je sastavni dio ove tenderske dokumentacije. Rokovi teku nakon obostranog potpisivanja ugovora o javnoj nabavci.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1 ‰ naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti.

OSNOVNE OBAVEZE DOBAVLJAČA

Član 8.

Dobavljač se obavezuje da obaveze iz člana 2. ovog Ugovora izvrši prema odredbama ovog Ugovora, u skladu sa tenderskom dokumentacijom, stručno i kvalitetno, te saglasno važećim zakonskim propisima iz oblasti projektovanja, pravilima i standardima struke koji su na snazi sa danom zaključenja Ugovora.

Dobavljač se takođe obavezuje da će svoje usluge obaviti u skladu sa načelima savjesnosti i poštenja čak i onda kada Ugovorni organ nije u dovoljnoj mjeri dao potrebne upute i smjernice za rad. Prema općim pravilima, Dobavljač ima obavezu da izbjegava takvo obavljanje posla kojim bi Ugovornom organu i nekom trećem licu prouzrokovao štetu.

OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 3. ovog Ugovora), te zajedno sa dobavljačem sačini zapisnik o primopredaji završene dokumentacije – Elaborata.

RASKID UGOVORA

Član 10.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši usluge kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo oštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana, počev od dana potpisivanja istog.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN:

KJKP "POKOP" d.o.o. Sarajevo

izv. dir. Asmir Hodžić

Direktor, Goran Cerić

Broj, 0602-1363-15/19
Sarajevo, 17.05.2019. god.



DOBAVLJAČ:

DESIGN&QC d.o.o. Sarajevo

Direktor Muris Korijenić

Broj, 260-210/19
Sarajevo, 17.05.2019. god.